

STORACLES OF PROPHECY

Alian pen Kipumpiakna

Piancil 22:1-19

Ta-ang Thu . . .

Abraham in Pasian hopihna atelzak mahmah laitakin khuavak nailo hi. "Abraham aw, na it mahmah khat bek na neih na tappa Moriah mualte lakah kong lahna munah hong paipih inla kithohna, biakpiakna-in hong pia in." Piancil 22:1,2.

Hih getna azak ciangin Abraham acii lingin akhuasik mul tho hi. Isaac tungtawnin minam lian piang ding hicich zong Pasian in gen khin hi. Sarah in teeknung vuainunga aneih tappa tungah Abraham in alamdang lametna te nei hi.

Pasian in tua banga hong net ciangin banghangin hong ngen hiam cih atelloh hangin a thu man dingin hong khensat hi.

Abraham in Isaac leh amuan a nasem nih te damtakin phong a, mi tawmno te in ni thum lam paina Moriah mual lam hong zuan kхиata uh hi. Moriah mual hong naih uh ciangin Abraham in a nasemte kiangah Isaac tawh kong tunkik dong nangak un ci hi. Tua ciangin singlom teng ata puasak-in mual tung hong kahto uh hi.


Isaac in a pa kiangah Pa aw, sing leh mei om-a ih biakpiak nading tuuno ee, ci-in dong hi. Abraham in ka ta aw, biakpiak nading tuuno pen Pasian in hong gelsak nading hi ci hi.

Mual dawn hong tun uh ciangin, Abraham in khitui luangkawm sa-in bang tawh biakpiakna pia ding Pasian in ci hiam cih a tappa kiang hong telgen ta hi. Pasian sawl bang mang dingin Isaac in hong lungkim hi. Kikawi-in hong kikah khit uh ciangin a pa in a tappa pen damtakin hong hen-a biakna tau tungah hong koihto ta hi. Abraham in akhut lamto-in Isaac sat ding hong kisak laitakin Topa vantungmi khat in Abraham khut lenin, tua tangvalpa tungah bangmah hih kei in, en in mangbom kawmah tuutal khat akii tawh awk hi tua va la inla, tua tawh kei hong bia in ci-in gen hi.

Pa in a it mahmah a tappa piakkhat dinga nasa tak-a khensatna aneih, Abraham bek hilo hi.

©Review and Herald

AMAZING FACTS



Thu Sinna

Laisiangtho na sim khitciangin a awng munte behlap in.

1. Isaac's ta'anga biakpiak nadinga kizang ganhing in kua limciüng hiam?

John 1:29 Zingsang ciangin _____ hong pai Johan in amuh ciangin, "En un, leitung mawhna apuakhia Pasian _____!"

2. Bang hangin Zeisu hong sih ding kita'angsam hiam?

Romans 3:23 Mi khempeuh a _____ uh hi.

Romans 6:23 Mawhna thaman in _____ ahi hi.

Hebrews 9:22 Si kibua lo-in mawhna _____ aom kei hi. /mawhmaina/.

1 Corinthians 15:3 Khrist in eite _____ ding sihna athuak hi.

1 Peter 3:18 Pasian kiangah hong khak nadingin a mi _____ in mi _____ tangding mawhna hangin khat vei bek gimna athuak hi.

Phawk Ding: Laisiangtho manphatna leh a thupitna genzawh hilo hi, banghang hiam cih leh, hih leitungah mawhna hong bangci lut-a bangci bangin kikhiiñkhia ding hiam cih hong telsak hi. Pasian in mawhna ii siatna pen thuak zolo hi. Mawhna thaman pen sihna hi. Adam leh Eve hong mawh khitciangin hih sihna pen mihingte khempeuh tungah hong tung hi. Pasian thukham leh a palsatte sihna ding lah kikhel theilo ahil manin mihingte in thuak uh hi. Ahih hangin Pasian in Ama bawsate tawh hong kichen zo peuhmah lo hi. Tua manin itna mongneilo tawh hong it Pasian in Ama tapa neihsun nang leh kei ta'ang dinga si dingin hong sawl hi. Ih sihna ding leh ih mawhna teng Ama tungah kisuan ahih manin nang leh kei ih suakta hi.

3. Alian mahmah tatkhietna pen bang kici hiam?

Mangmuhn 14:6 Mi khempeuh tunga tangko ding, tawntung _____ na thu a nei hi. (ZIV)

Phawk Ding: Pasian hong gelsak tatkhietna pen "Lungdamna thu (gospel)" kici a, tua pen "thu hoih" ahi hi. Tua thu pen mihing khempeuh adingin athupi penpen thu hoih ahi hi. Ih sihna ding Zeisu in lakhia a, ih hoih lohnate hong nilkhiatsak hi.

4. Bang dingin Pasian in hizahta-in hong kipiakhia mawk hiam?

John 3:16 Pasian in atapa khat bek _____ dongin leitung mite a _____ hi.

Phawk Ding: Nu leh pa te hong itna pen leitungah alian penpen ahi hi. Pasian in a tappa (Zeisu) nang leh kei ta'ang dinga thuak ding leh si dinga aphalna pen eite' genzawhloh a hong itna a hong pulaak ahi hi.

5. Zeisu hong sihna ka phattuam nadingin bang ka sep kul hiam?

Sawltaakte 16:31 Topa Zeisu na _____ leh, nangmah tawh, na innkuanipte tawh, gupna nangah ding hi.

John 1:12 Ahih hangin amah sang a, ama min a umte khempeuh in suah theih na'ng thu apia hi.

Phawk Ding: Tatkhatna pen Zeisu in hong piakkhong hi (Roman 6:23). Tua manin eite in tua thumaan um in leh taksangna tungtawnin tua piakkhong ih ngah ding hi.

6. Tua leh, koi bang, kei asiangta, mawhmai khinta maw leh?

Sawltaakte 3:19 Note mawhna a sawp siang nading na _____ una, na lungsim uh na kikheel un.

1 John 1:9 I mawhnae _____ in thum lehang imawhnae maisak iin, i gitlohnna khempeuh _____ nadingin amah in thumaan thutak tawh ahi zongin, dikna thu tawh ahi zongin adim hi.

Phawk Ding: Kipulaak-a thuumna pen kisikna kammal hi. Kisikna maan taktak in, mawhna hangin dah-a mawhna taisan-in mawh nonlohnna ahi hi (Paunak 28:13).

7. A lamdang kikhelna pen bang kici hiam?

John 3:7 Khat vei na _____ ding hi.

Phawk Ding: A lamdang kikhelna pen suakthak kici hi banghang hiam cihleh nuntakna kilamdag hi. Naungek te banga suak kik ding cihna hilo-in nuntakna kikhel ding cihna hi. A sia khat beek ciamteh nonlo-a nuntakna thak akipan a hi hi.

8. A piangthak Khristian te lungtang sungah kua a lut diam?

John 14:17 Tua _____ in note tawh om khawmin, note sungah om ding ahih ciangin amah na thei ding uh hi.

Phawk Ding: Khristante sungah Zeisu mahmah a Khasiangtho tungtawnin hong teeng hi.

9. Zeisu ka lung sungah Khasiangtho tawh hong teen ciangin, bang ka sem ding hiam?

Philippians 2:13 Note in ama deihna bangin na sep nop na'ng uh leh na _____ theih na'ngun amahmah Pasian in nomau sungah hong bawl ding hi.

Phawk Ding: Ama deihna bang ka sem nuam dinga, Amah in ka sep takpi zawh nading vangliatna tha hong pia ding hi.

10. Ka suahthakna, ka pianthakna tawntun ding hi ci-in bang hangin kimuang ding ka hi hiam?

Philippians 1:6 Note sungah hih nasep hoih a hong _____ Pasian in Jesuh Khrih hong paikik hun ciangdong, mi cingtaak na hihna dingun hong huh ding hi, ci-in teltakin ka thei hi.

Phawk Ding: Ka khamuang mahmah hi banghang hiam cihleh Zeisu in Ama vangliatna tawh ka hong zawphih ding hi ci-in hong kamciam hi. Tatkhatna pen kei hang hilo-in Ama hang hi zaw hi.

11. Bang hangin Kchristante pawlkhat puk uh hiam?

Isaiah 53:6 Eite khempeuh in tuu bangin lam i khial khin a, eite khempeuh _____ ciatah i pai khin hi.
2 Peter 3:2 _____ leh Honpa' thupiakte a hong gensawn uh thute na phawkkik ding uh ka deih hi. (PP)

Phawk Ding: Thu um mi tampite puk uh hi banghang hiam cihleh Zeisu pen gumpa bekin deih-in amau nuntaakna uk ding Topa dingin deih lo uh hi. Mi a tamzaw in amau ut bangbangam gamtat nuamsa zaw uh hi. Zeisu honpa leh gumpa-a ihsan khitciangin Ama deih banga nuntaak ding ahi hi. Ih ut bang bek sepnopna te khawl-in bangsem ding ka hiam ci-a dot ding ahi hi. (Behlapna na en in, "Gupna kitaan kik thei nawnlo?")

12. Zeisu in hong sanga Ama ta ka hih lam bangci kitheih ding ka hi hiam?

Titus 1:2 Thu zuau agen theilo Pasian ... tun' ma-in _____
Matthew 7:7 Ngen un, Na _____ uh leh hong pia ding hi.

Phawk Ding: Zeisu kiangah ngenleng hong sang ding hi cih ih thei hi, ahangin Amah zuauphuak theilo hi. Amah in hong kamciam khin hi, nang leh kei in lungsim kikelih neih hangin Amah kikelih ngei lo hi.

13. A piangthak taktak te' nuntaakna hong kikoici khel diam?

- A. John 13:35** Note khat leh khat na _____ uh leh, mi khempeuhte in note ka nungzui nahih uh a thei ding uh hi, aci hi.
B. 2 Corinthians 5:17 Tua ahih ciangin Khris sungah aom mi in _____ a suak hi.
C. 1 John 3:22 A piak thukham zui in, ama mai ah deih huai _____ i bawl maninah i ... i ngah hi.
D. Romans 12:2 _____ mihingte' gamtat bangin gamta kei unla, na lungsim uh _____ Pasian kipuahpha sak un. Tua hi leh a hoih nate bang hi a, bangte in amah lungkim sakin, bangte a kicing hiam ci-in thei-in Pasian' _____ na phawk thei ding uh hi.
E. Sawltaakte 1:8 Leimong dongin ka _____ na hi ding uh hi
F. Ephesians 6:18 Thungetna pawlpawlte, ... thu na _____ un.

14. Khristian nuntaakna ah, alamdang kamciam bang om hiam?

- A. Philippians 4:13** Hong thahatsakpa Khris hangin na _____ ka hih thei hi.
B. Philippians 4:19 Note' _____ khempeuh hong pia ding hi.
C. Mark 10:27 Pasian-a' dingin na khempeuh _____ hi.
D. John 15:11 Note _____ na a kicin' nadingin.
E. John 10:10 Nuntakna _____ a neihtheihna dingun a hong pai ka hi hi.
F. Hebrews 13:5 Nang kong _____ ding hi, zongkong nusia ngeikei dinghi.
G. Hebrews 13:6 Ka _____ ding hi.

H. John 14:27 Keima _____ kong pia hi..

Phawk Ding: Pasian in a mite tungah anuai-a amanpha kamciam giat te hong pia hi.

- Zeisu tawh na khempeuh kizo thei hi.
- Ih sapnate khempeuh hong pia ding hi.
- Eite ading apiang theilo khat beek omlo hi.
- Ih nuam na kim ding hi.
- Nuntaakna kicing ih nei ding hi.
- Pasian in eite hong nusia ngeilo, hong taisan ngeilo ding hi
- Mite in eite tungah bang hong bawl ding hiam cih lau nading omlo hi.
- Topa in Ama khamuanna kicing hong pia ding hi.

Topa minthang hen: Hih sang a hoih zaw bang dang om ding hiam?

Nang Dawnya

Tu-in Zeisu hong hotkhiatna sang dingin na khensat ding hiam, ahih kei leh na khensat nuamta hiam?

DAWNNA: _____

Hilhcianna

Hih anuai-a te in telzawk nadingin hong huh ding hi.

Gupna kitaan kik thei nawnlo?

Zeuks Khris Gumpa-a ih san khitciangin, gupna ih taan kik thei ding hiam? Hih dota pen Pasian Kammal (Laisiangtho) sung pan bekin kidawng thei ding hi. Laisiangtho bek dawngsak ni: "Lametna thu tawh kipawl ih upna sawisak lo-in len kip ni; (Ahangin Ama kamciam kho hi;) Tua thamlo-in, itna lungsim neih nading, apha a gamtat nadingin khat leh khat kihansuah iin kidom ni. Banghang hiam cihleh thumaan i theih khitciangin ei deihna zui-in i mawh kik leh, anung ciangin mawhna maisakna ding biakna aom kei ding hi." Hebrews 10:23, 24, 26.

Khristian ih hih khitciangin ei sep ding om nawn hetlo hi cih Laisiangtho mun khat beek ah omlo hi. Laisiangtho in hih bangin gen hi. "I Topa leh Honpa Zeisu Khris theihtelna hangin leitung kihhuaina tawh asuahtak khit uh ciangin, khat vei awk kik iin a lelh uh leh, anung ciangin apian' in apian' masak sangin agilo zaw hi; dikna thu lampi atheih khit uh ciangin thukham siangtho a paaikhia kik sangin tua lampi thei lo-in aom uh leh amau ading apha zaw hi. Ui in ama luak ane kik hi; vokpi in akisil khitciangin buan lakah abual kik hi, ci-in ama thu gentehna bangin mite tungah apiang zo hi." 2 Peter 2:20-22.

Khristante in thu ngaihsun a khensat ding ahi hi. Zeisu in, "Tatkhiatna pen Ama tungah bangzah takin kingam-in ki ap ih hi hiam cih tungah kinga zaw hi," ci hi (John 15:4). Paul in: "Nisim in ka si hi" ci hi.

Corinthians Masa 15:31. Acih nopna ah nisim-in ama deihna khempeuh

nial in Zeisu zuihna ahi hi. Zeisu in, "Mi khat peuh in kei hong zuihnpoh leh, apumpi nial a, asinglamteh ni simin pua in hong zui tahan." Luka 9:23.

Laisiangtho in thumaan nungngat sa-in gupna kingah veve ding hi, ci lo hi. Ezekiel 18:24 sungah: "Mi hoih khat in agamatat hoihna teng khawlin, mi gilote' gamtat bangin amin daihuai, gamtatsia te gamtat ding hong kipan leh, amah nungta paisuak ding ahi hiam? Nungta hetlo ding hi, ahoih ama gamtatna sate kiphawksak lo ding hi. Ama cihtak lohna leh ama mawhna hangin si ding hi." Paul in zong hong gena: Ka lungkip hi ci-in a ki-um mi-in a puk loh nadingin kikeem hen." 1 Corinthians 10:12.

Mi pawlkhat te in kambek tawh ka-um hi ci-in gamtat khat ding kulsak lo uh hi. Ahih hangin, Zeisu in: "Topa aw, Topa aw hong ci khempeuh te vantung gam sungah tum thei kim lo ding uh hi. Vantungah aom ka Pa deih banga gamta te bek atung ding uh hi. Tua ni ciangin, Topa, Topa, kote in nang ma min tawh Pasian thuhilh hi lo ka hi uh hiam? Nang ma min tawh dawi te hawkhia hi lo ka hi uh hiam? Nang ma min tawh nalamdang tampi bawl hi lo ka hi uh hiam? ci-in mi tampi te in hong gen ding uh hi. Tua banga hong gen uh ciangin, Note cikmah in kong thei ngeikei hi. Mawhna ahih te aw, kei kiang pan in taikhia un, ka ci ding hi." Matthew 7:21-23

Paul in Khristian te' ni sim nuntaakna ding agen na ah: "Tai kidem te khempeuh atai uh hangin khat bek in noptuamna angah hi cih theilo nahi uh hiam? Tua ahih ciangin note in zong noptuamna ngah nadingin na tai un. Pawikhamna sungah akidem te khempeuh in na khempeuhah apumpi uh akhaamcip thei uh hi. Tua te in a vul gawp thei paak kraun angah nop manun akidem uh hi. Eite i hih leh, avul thei lo, asia thei lo kham lukhu ngah nadingin i kidim hi. Tua ahih ciangin ka tai ciangin mawhna bangin ka tai kei hi. Mi tawh ka kitup ciangin huuh tuum bangin ka tuum kei hi. Mi dangte thu ka hilh khitciangin hawkhia ka thuak loh nadingin ka pumpi tuumin, ka bawlsia hi." 1 Corinthians 9:24, 25, 27

Gupna khat vei ih ngah khitciangin kitaan kik theilo hi cih upna in, Pasian hong piak deihtelna pen omlo hi, cihna hi. Alang lam pan genik leng, Pasian in ih nuntaakna sungah a hong patkhiat nasep tawntun ding hi ci-a lungmuanna ih neih ding hong deih hi, "Tua bang kaphatna ah note tungah a pha nasep hong bawl apan pa in Zeisu Khris Ni dongin hong bawl in, hong zosak ding hi ci-in ka lungdam hi." Philippians 1:6.

Amah ih zuih tawntung leh ih lungmuangin, Amah in hong makaih den dinga Amah a len tinten khut hong hemkhia ngeilo ding hi. "A bei dongin akipte in gupna angah ding uh hi." Matthew 24:13.